



Broj: 04-45-1-524/25-2

Datum: 04.04.2025. godine

Na osnovu člana 5. Pravilnika o utvrđivanju uslova, kriterija i postupka za ostvarivanje prava na dodjelu plastenika i opreme u Projektu „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plasticima“ u 2025. godini na području općine Maglaj, Općina Maglaj, objavljuje:

**JAVNI POZIV  
za podnošenje prijave za dodjelu plastenika od 100 m<sup>2</sup>, sa sistemom za navodnjavanje,  
dodatnom opremom i sadnim/sjemenskim materijalom**

**I PREDMET JAVNOG POZIVA:**

Predmet ovog Javnog poziva je prikupljanje prijave za dodjelu 20 (dvadeset) plastenika od po 100 m<sup>2</sup> sa sadnim/sjemenskim materijalom, sistemom za navodnjavanje, kristalnim i prpratnom opremom.

Dodjelu plastenika iz prethodnog stava, u okviru Projekta “Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plasticima“ u 2025. godini na području općine Maglaj, zajednički provode Općina Maglaj i nevladina organizacija Muslim Aid Association, po principu sufinansiranja, u omjeru, 50% Općina Maglaj, 40% Muslim Aid Association, a 10% (370,00 KM) je učešće odabranog korisnika, od ukupne cijene plastenika i opreme.

**II PRAVO UČEŠĆA:**

Pravo učešća u ovom Javnom pozivu imaju socijalno ili materijalno ugrožene osobe, i mlade osobe u dobi od 18 do 35 godina, sa područja općine Maglaj, koje posjeduju vlastito poljoprivredno zemljište ili zemljište u vlasništvu članova uže porodice po pravoj liniji (majka, otac, djed i dr.) ili zemljište koje im je ustupljeno na korištenje ili u zakup na period ne manji od 3 (tri) godine, a koje je u neposrednoj blizini stambenog objekta u kojem stanuju.

Pravo na dodjelu plastenika u ovom Projektu nemaju lica koja su dobila donaciju u mehanizaciji i opremi za poljoprivrednu proizvodnju, od Općine Maglaj, nadležnih ministarstava, humanitarnih i drugih organizacija u posljednje tri godine.

Pravo na dodjelu plastenika u ovom Projektu nemaju članovi uže porodice zaposlenika Muslim Aid Association i Općine Maglaj.

Pravo učešća nemaju lica koja su u proteklom vremenskom periodu nenamjenski koristila dobijena sredstva od strane Općine Maglaj i Muslim Aid Association ili zloupotrijebili ista.

**III USLOVI ZA DODJELU PLASTENIKA OD 100 m<sup>2</sup> SA SISTEMOM ZA NAVODNJAVANJE, SADNIM/SJEMENSKIM MATERIJALOM I DODATNOM OPREMOM**

Podnositelj prijave treba da ispunjava sljedeće uslove:

- da je nezaposlena osoba ili osoba sa minimalnim primanjima ili mlada osoba u dobi od 18 do 35 godina, sa prebivalištem na području općine Maglaj.

- da je nosilac ili član poljoprivrednog gazdinstva u Registru poljoprivrednih gazdinstava i Registru klijenata u Općini Maglaj (RPG i RK),

Napomena: Podnosioci prijava, ukoliko nisu upisani u RPG i RK, uz prijavu dostavljaju ovjerenu izjavu da će registrovati poljoprivredno gazdinstvo u RPG i RK, u roku od trideset dana od dobijanja pisane obavijesti o dodjeli plastenika.

- da je podnosilac prijave ili član njegove uže porodice vlasnik ili posjednik poljoprivrednog zemljišta pogodnog za plasteničku proizvodnju ili da je poljoprivredno zemljište uzeto na korištenje ili u zakup na period ne manji od 3 (tri) godine i da se zemljište nalazi u neposrednoj blizini stambenog objekta u kojem stanuje,
- da postoji mogućnost adekvatnog navodnjavanja plastenika,
- da u trenutku prijave na ovaj Javni poziv nema više od 100 m<sup>2</sup> plastenika u svom posjedu ili posjedu člana uže porodice (plastenik sa metalnom konstrukcijom i bočnim ventiliranjem),
- da će sufinansirati 10% od nabavne cijene plastenika sa dodatnom opremom, što iznosi 370,00 KM,
- da obavezno prisustvuje edukaciji iz oblasti plasteničke proizvodnje koju organizuju Muslim Aid Association i Općine Maglaj,
- da u posljednje tri godine nije ostvario-la pravo na donaciju u mehanizaciji i opremi za poljoprivrednu proizvodnju, od Općine Maglaj, nadležnih ministarstava, humanitarnih i drugih organizacija,
- da će dodijeljeni plastenik zadržati u vlasništvu najmanje 3 godine od potpisivanja ugovora.

#### IV POTREBNA DOKUMENTACIJA:

Zainteresirani učesnici, prilažu sljedeću dokumentaciju:

1. Prijavni obrazac, (preuzima se u Pisarnici Općine Maglaj),
2. Anketni upitnik sastavljen od strane Muslim Aid Association
3. Potvrda o prebivalištu (CIPS prijava) ili ovjerena kopija lične karte,
4. Ovjerena kućna lista,
5. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje Maglaj. Za nezaposlene osobe koje nisu prijavljene na Biro za zapošljavanje, prilaže se potvrda da se osobe ne vode u evidenciji osiguranih osoba, izdata od Porezne uprave ili ovjerena izjava kojom se garantuje da je lice nezaposleno,
6. Kopija potvrde o upisu u Registar poljoprivrednih gazdinstava i Registar klijenata (RPG i RK) izdata od nadležne općinske službe za poslove poljoprivrede. Prijavljeni kandidati ukoliko nisu upisani u RPG i RK, uz prijavu dostavljaju ovjerenu izjavu da će registrovati poljoprivredno gazdinstvo u RPG i RK, u roku od 30 (trideset) dana od dobijanja pisane obavijesti o dodjeli plastenika.
7. Potvrde škole/fakulteta za djecu/izdržavane članove domaćinstva, a za djecu predškolskog uzrasta priložiti rodni list,
8. Uvjerenje ili drugi dokaz o visini prihoda za svakog zaposlenog člana domaćinstva sa kućne liste, za penzionere posljednji ček od penzije, a za korisnike stalne socijalne pomoći, prilaže se rješenje Centra za socijalni rad Maglaj o visini socijalne pomoći,
9. Vlasništvo ili posjed nad parcelom koja se namjerava koristiti za instaliranje plastenika (kopija ZK izvadka ili Posjedovnog lista, ili ugovor o zakupu/korištenju parcele),
10. Dokaz da je samohrani roditelj (smrtni list ili dokaz o razvodu braka ili drugi dokument kojim aplikant može dokazati da je samohrani roditelj),
11. Ovjerena izjava da u trenutku prijave za učešće u javnom pozivu za dodjelu plastenika iz ovog Projekta, nema više od 100 m<sup>2</sup> plastenika u svom posjedu ili posjedu užeg člana domaćinstva,
12. Ovjerena izjava da će korisnik dodijeljenog plastenika isti zadržati u vlasništvu najmanje 3 godine od dana potpisivanja ugovora,

13. Ovjerena izjava da prijavljeni kandidat u posljednje 3 godine nije ostvario pravo na donaciju, dodjelu ili sufinansiranje nabavke plastenika, od Općine Maglaj, nadležnih ministarstava, humanitarnih i drugih organizacija,

14. Ovjerena izjava da će sufinansirati 10% od nabavne cijene plastenika sa dodatnom opremom, (370,00 KM),

15. Ovjerena izjava da će obavezno prisustvovati edukaciji iz oblasti plasteničke proizvodnje ukoliko ostvari pravo na dodjelu plastenika.

Izjave iz tačke IV, podtačka 5,11,12, 13, 14 i 15 podnose se na propisanom, jedinstvenom obrascu „Izjava“, koji se može preuzeti u Pisarnici Općine Maglaj.

#### IV ODABIR KORISNIKA:

Administrativnu obradu zaprimljenih prijava i odabir korisnika u skladu sa Pravilnikom o utvrđivanju uslova, kriterija i postupka za ostvarivanje prava na dodjelu plastenika i opreme u Projektu „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plastenicama“ u 2025. godini na području općine Maglaj, provest će komisija koja se sastoji od tri člana, od kojih su dva predstavnici Općine Maglaj, a jedan je predstavnik nevladine organizacije Muslim Aid Association.

Rang lista odabranih korisnika bit će objavljena na oglasnoj ploči Općine Maglaj i službenoj web stranici Općine Maglaj [www.maglaj.ba](http://www.maglaj.ba).

#### V PRIJAVA NA JAVNI POZIV:

Prijave na ovaj Javni poziv, zajedno sa potrebnom dokumentacijom, predaju se u zatvorenoj koverti, u Pisarnicu Općine Maglaj ili putem pošte, na adresu:

Općina Maglaj  
Ul. Viteška br. 4, 74250 Maglaj,

Sa naznakom: „Prijava na Javni poziv za dodjelu plastenika od 100 m<sup>2</sup>, sa sistemom za navodnjavanje, dodatnom opremom i sadnim/sjemenskim materijalom

- Ne otvarati - „

Prijavni obrazac i obrazac „Izjava“, mogu se preuzeti u Pisarnici Općine Maglaj.

Rok za predaju prijava je 15 dana od dana objave ovog Javnog poziva na službenoj web stranici Općine Maglaj [www.maglaj.ba](http://www.maglaj.ba), te na oglasnoj ploči Općine Maglaj, a zaključno sa 18.04.2025. godine.

Sve dodatne informacije mogu se dobiti u Službi za privredu, finansije/financije i razvoj poduzetništva Općine Maglaj, putem telefona broj: 032/465 835, svakim radnim danom od 07:00 - 15:30 sati.

Nepotpune i neblagovremene prijave se neće uzeti u razmatranje.

Obradivač:

Sadka Huskić

Dostavljeno:

1. Općinskom
2. Oglasna ploča
3. RTV Maglaj
4. Mjesnim zajednicama općine Maglaj
5. Udruženjima i ZZ
6. a/a



OPĆINSKI NAČELNIK

Maid Suljaković